

Broj: 01/1- ___ /21

Kakanj: ____.____.2021. godine

Na osnovu člana 8. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09) i člana 24. Statuta Općine Kakanj („Službene novine Općine Kakanj“, broj 4/08), na zahtjev Udruženja građana „Rudarska glazba“ iz Kaknja, broj: 026/21 od 15.10.2021. godine, Općinsko vijeće na ___ sjednici održanoj _____. 2021. godine, donijelo je

ODLUKU

o proglašenju Udruženja građana „Rudarska glazba“ iz Kaknja udruženjem od posebnog interesa

Član 1.

Ovom Odlukom Udruženje građana „Rudarska glazba“ iz Kaknja, sa sjedištem u Kaknju, Ulica 7. muslimanske brigade bb, proglašava se udruženjem od posebnog interesa za općinu Kakanj

Član 2.

Dio troškova za rad Udruženja građana „Rudarska glazba“ iz Kaknja će se finansirati iz Budžeta Općine Kakanj, odnosno iz Programa ostalih udruženja.

Ova Odluka stupa na snagu danom donošenja, a bit će objavljena u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA
Katičić Slaven

OBRAZLOŽENJE

Pravni osnov

Pravni osnov za donošenje Odluke sadržan je u članu 8. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09) i članu 24. Statuta Općine Kakanj („Službene novine Općine Kakanj“, broj 4/08).

Razlozi za donošenje Odluke:

Udruženje građana „Rudarska glazba“ iz Kakanja sa sjedištem u Kakanju, Ulica 7. muslimanske brigade bb, osnovano je krajem aprila 2021. godine u skladu sa Zakonom o udruženjima i fondacijama Bosne i Hercegovine („Službene novine Federacije Bosne i Hercegovine“, broj: 45/02), kao nevladina neprofitna organizacija koja djeluje na teritoriji cijele Bosne i Hercegovine.

Duhački orkestar poznat pod nazivom „Rudarska glazba“ djeluje još od davne 1952. godine. Osnovan je na inicijativu tadašnjeg Sindikata Rudnika mrkog uglja Kakanj i svoje aktivnosti nije obustavio ni za vrijeme najtežih ratnih dana.

U skladu sa svojim Statutom, ovo Udruženje ima sljedeće ciljeve i djelatnosti: poticanje, pomaganje i razvijanje amaterskog bavljenja glazbom, popularizaciju duvačke glazbe u skladu sa društvenim interesima, očuvanje tradicije sviranja u duvačkom orkestru limene glazbe na području općine Kakanj, omogućavanje licima koja nisu profesionalni muzičari da se kvalitetno bave muzikom, a posebno zainteresiranim radnicima Rudnika Kakanj, održavanje i unaprjeđenje međusobno korisnih odnosa između Rudarske glazbe, Općine Kakanj, privrednika, javnih ustanova i nevladinog sektora na području općine Kakanj, ali i cijele Bosne i hercegovine, popularizacija, poticanje, pomaganje i razvijanje duvačke glazbe, organizacija koncerata i sličnih manifestacija, saradnja i povezivanje sa drugim orkestrima, ustanovama, udruženjima i organizacijama koje se bave duvačkom glazbom, promocija turističkih i kulturnih vrijednosti, čuvanje muzičke i kulturne baštine i običaja općine Kakanj, afirmacija položaja i statusa mladih BiH, širenje ideje omladinskog aktivizma i volontiranja i pokretanje volonterskih aktivnosti, pokretanje različitih projekata iz oblasti ljudskih prava u cilju povećanja nivoa javne svijesti i povezivanje mladih, zalaganje za ostvarivanje ljudskih prava i sloboda i ostalih prava mladih bez bilo kakvih predrasuda i diskriminacije, zalaganje za poboljšanje položaja mladih u svim životnim oblastima kroz izradu različitih vrsta projekata čime bi se doprinijelo razvoju cjelokupne zajednice; redovne probe, vanredne probe, educiranje početnika za sviranje muzičkih instrumenata, uvježbavanje i izvođenje muzike specifične za sviranje u pokretu, uvježbavanje i izvođenje muzičkog repertoara univerzalnih vrijednosti uvažavajući tradicionalne muzičke motive naroda i nacionalnih manjina koji žive u BiH, uvježbavanje i izvođenje djela poznatih kompozitora ozbiljne i filmske muzike, protokolarnih koračnica i djela s područja domaće i strane zabavne muzike, nastupanje na manifestacijama obilježavanja značajnih datuma koje priređuje Rudnik Kakanj, Općina Kakanj, druge organizacije i institucije sa područja BiH, priređivanje samostalnih koncerata,

koncerata u saradnji sa drugim orkestrima, vokalnim sastavima, kulturno-umjetničkim društvima i samostalnim umjetnicima, sudjelovanje na smotrama i takmičenjima duvačkih orkestara, razvijanje i unaprjeđenje odnosa sa srodnim orkestrima u BiH i inozemstvu, organiziranje druženja i izleta u svrhu zajedništva unutar orkestra, pribavljanje potrebnih materijalnih sredstava za obavljanje redovnih djelatnosti, razvoj i promicanje odgoja i obrazovanja, organiziranje humanitarnih nastupa, volonterskih akcija i društveno korisnih događaja, izdavanje publikacija, organizovanje edukacija i organizovanje kampanja.

Općina Kakanj ima dugogodišnju saradnju sa „Rudarskom glazbom“ iz Kaknja. Svojim nastupima na svim važnijim kulturno-umjetničkim manifestacijama i obilježavanjima značajnih datuma te prvomajskim urancima „Rudarska glazba“ ostavila je snažan pečat u historiji ovog rudarskog grad, zbog čega joj je dodijeljena Plaketa općine Kakanj.

Stoga predlažemo da Općinsko vijeće donese Odluku o proglašenju Udruženja građana „Rudarska glazba“ iz Kaknja udruženjem od posebnog interesa za općinu Kakanj, čije aktivnosti su naročito važne kada je u pitanju čuvanje tradicije sviranja u duvačkom orkestru limene glazbe, muzičke i kulturne baštine i promocija turističkih i kulturnih vrijednosti općine Kakanj.

Obrađivač:

Služba za društvene djelatnosti, boračka pitanja, raseljena lica, izbjeglice i povratnike

Predlagač:

Općinski načelnik